



Broj: 02-50-1-16-23/08
Sarajevo: 4.12.2008. godine

ZAPISNIK
23. sjednice Doma naroda
Parlamentarne skupštine Bosne i Hercegovine,
održane 4.12.2008.godine

Sjednica je počela u 11 sati.

Sjednicom je predsjedavao Mladen Ivanić, predsjedavajući Doma naroda Parlamentarne skupštine BiH.

Sjednici je prisustvovalo 14 delegata.

Delegat Sulejman Tihić opravdao je odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda usvojio je sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 22. sjednice Doma naroda;
3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osiguranju depozita u bankama BiH po hitnom postupku, u skladu s članom 122. Poslovnika;
4. Zahtjev Vijeća ministara BiH za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 122. Poslovnika;
5. Prijedlog kodeksa ponašanja za poslanike i delegate u Parlamentarnoj skupštini BiH (drugo čitanje), predlagač: Zajednička komisija za ljudska prava, prava djeteta, mlade, imigracije, izbjeglice, azil i etiku;
6. Prijedlog zakona o izmjenama i dopunama Zakona o sportu u BiH (drugo čitanje), predlagač: Ustavnopravna komisija;
7. Prijedlog zakona o izmjeni Zakona o klasifikaciji djelatnosti u BiH (drugo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH;
9. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH;
10. Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika (prvo čitanje), predlagač: Vijeće ministara BiH;
11. Prijedlog zakona o zaštiti i dobiti životinja (prvo čitanje), predlagač: Vijeće ministara BiH;

12. Izvještaj o izvršenju Budžeta institucija BiH i međunarodnih obaveza BiH za period januar-december 2007. godine;
13. Informacija o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine;
14. Izvještaj Zajedničke komisije za usaglašavanje prijedloga za imenovanje ombudsmena u Instituciju ombudsmena za ljudska prava BiH;
15. Izvještaj Zajedničke komisije za usaglašavanje prijedloga za imenovanje zamjenika generalnog revizora;
16. Izvještaj o radu Državne komisije za reviziju odluka o naturalizaciji stranih državljana u BiH za period od 1. 1. 2008. do 30. 6. 2008.;
17. Privremeni izvještaj o radu Interresorne radne grupe na izradi Prijedloga zakona o imunitetu;
18. Godišnji izvještaj o napretku (praćenje provođenja Akcionog plana 1 Strategije reforme javne uprave u Bosni i Hercegovini - materijali Vijeća ministara BiH);
19. Deklaracija o dobroj upravi, predlagač: Predstavnički dom;
20. Prijedlog zaključaka povodom Informacije o krivičnim djelima protiv života i tijela, s naglaskom na nasilje u porodici za 2006. i 2007. godinu te tendencijama u prva tri mjeseca 2008. godine;
21. Izbor članova Upravnog odbora Agencije za razvoj visokog obrazovanja i osiguranje kvaliteta (rang-lista Vijeća ministara BiH);
22. Zahtjev ustavnopravnih komisija oba doma Parlamentarne skupštine BiH za davanje ovlaštenja za utvrđivanje prečišćenog teksta Zakona o Sudu BiH i Zakona o Tužilaštvu BiH;
23. Inicijativa za izradu novog zakona o javnim nabavkama BiH, predlagač: delegat Dušanka Majkić;
24. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i BANK AUSTRIA CREDITANSTALT AG - Projekat izgradnje vodovoda Fojnica-Kiseljak i kanalizacionog kolektora Lepenica-Kiseljak;
25. Davanje saglasnosti za ratifikaciju Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija;
26. Davanje saglasnosti za ratifikaciju Ugovora o finansiranju između Bosne i Hercegovine i Federacije BiH i Evropske investicione banke – Projekat vodovoda i kanalizacije u Federaciji BiH;
27. Davanje saglasnosti za ratifikaciju Evropskog sporazuma o dostavljanju molbi za pravnu pomoć;
28. Imenovanje Ad hoc komisije za izradu izmjena i dopuna kao i prečišćenog teksta Poslovnika Doma naroda.

Ad.1. Odgovori na delegatska pitanja i delegatska pitanja

Odgovore na delegatska pitanje dobili su: Dušanka Majkić - na pitanja postavljena na 21. sjednici, Hilmo Neimarlija - na pitanje postavljeno na 19. sjednici, Slobodan Šaraba - na pitanje postavljeno na 22. sjednici i Rudo Vidović - na pitanje postavljeno na 19. sjednici Doma naroda.

Delegat Dušanka Majkić i delegat Rudo Vidović izjasnili su se da su zadovoljni dobivenim odgovorom.

Delegat Slobodan Šaraba izjasnio se da nije zadovoljan dobivenim odgovorom, dok se delegat Hilmo Neimarlija izjasnio da je djelimično zadovoljan dobivenim odgovorom na postavljeno pitanje.

Delegat Dušanka Majkić postavila je i sljedeće pitanje Državnoj agenciji za istrage i zaštitu:

1. Koliko je ljudi angažirano na osiguranju lica i objekata na državnom nivou? Koliki je ukupni iznos finansijskih sredstava i koliko je ukupno ljudi za ove potrebe bilo angažirano u 2007. godini?
2. Koliko je potrošeno sredstava u 2008. godini za osiguranje lica i objekata i koliko je ljudi bilo angažirano na realizaciji ove obaveze (prikazati stanje na dan 30.9.2008. i dati procjenu do kraja 2008.)
3. Koliko je za ove namjene planirano sredstava u 2009. godini i koliko ljudi planirano za realiziranje ove obaveze?

Delegat Slobodan Šaraba postavio je sljedeće pitanje Vijeću ministara BiH i Zajedničkom kolegiju oba doma Parlamentarne skupštine BiH:

1. Šta namjerava učiniti Vijeće ministara BiH kako bi zaustavilo daljnju krađu električne energije iz sistema HET-a od Hrvatske elektroprivrede?

Objasnenje:

Budući da sam ovo pitanje postavio prije pet mjeseci i da nisam dobio nikakav odgovor, a da je u međuvremenu dug narastao na 3,5 mil KWH (oko 200 mil KM), tražim od Vijeća ministara BiH da preduzme hitne mjere kako bi zaustavilo daljnju štetu koju trpi energetski sektor Republike Srpske i Bosne i Hercegovine.

2. Zašto još nije izvršena raspodjela sredstava namijenjenih za povratnike srpske nacionalnosti u Općini Ravno, a koja su odobrena još u prvoj polovini ove godine, i koje je kriterije koristila Komisija prilikom određivanja kome će pripasti pomoć?

Objasnenje:

U prvoj polovini ove godine na nivou Bosne i Hercegovine, a u okviru realizacije zajedničkih projekata, odobrena su sredstva za pomoć u obnovi devastiranih kuća za povratnike srpske nacionalnosti u Općini Ravno, uz rubni pojas s Općinom Trebinje, u iznosu od 175 000 KM. Iako je građevinska sezona pri kraju, još nije izvršena raspodjela ovih sredstava.

3. Kada će biti nastavljena zajednička sjednica oba doma Parlamentarne skupštine BiH u vezi s informacijom o stanju u diplomatsko-konzularnoj mreži BiH?

Objasnenje:

S obzirom da je zajednička sjednica oba doma PSBiH, koja je dana 23. 4. 2008; prekinuta kada je počelo razmatranje ove tačke dnevnog reda, smatram da je treba nastaviti odmah ili u što skorijem roku s obzirom na katastrofalno stanje u pojedinim dijelovima ove mreže.

Delegat Ivo Miro Jović postavio je i sljedeće pitanje Ministarstvu odbrane BiH i Oružanim snagama BiH:

1. „Kada se može očekivati nabavka svečanih odijela za pripadnike Oružanih snaga BiH u vojnoj jedinici duhačkog orkestra?

2. Kada će se početi primjenjivati Odluka o unapređenju generala u Zajedničkoj komandi, koja je donesena prije godinu dana (čin, plaće i sl)“.

Delegat Božo Rajić postavio je sljedeće pitanje Kolegiju Doma naroda i Kolegiju Sekretarijata Parlamentarne skupštine BiH:

"Povodom sage o ombudsmenima BiH, meni, kao i drugim delegatima u Domu naroda Parlamentarne skupštine BiH obratio se kandidat za ombudsmena gosp. Mariofil Ljubić, da bi ukazao na nepravilnost u postupku imenovanja ombudsmena BiH. Mariofil Ljubić tvrdi da je Ad hoc komisiji, Predstavničkom domu Parlamentarne skupštine BiH, kao i klubovima delegata, pisao i upozoravao da je izbor ombudsmena izmješten iz okvira Zakona i da ga je nužno vratiti u zakonske okvire, ali da mu niko od navedenih nije odgovorio. Nadalje, on zahtijeva da se ispita kako je i čijim djelovanjem delegatima u Domu naroda, na sjednici održanoj 23. jula 2008., rečena neistina kako Dom naroda nije dobio odluku Predstavničkog doma Parlamentarne skupštine BiH o izboru ombudsmena na sjednici tog doma, od 14. jula 2008. Ljubić navodi kako je provjerio taj navod i utvrdio da je Dom naroda primio rečenu odluku Predstavničkog doma 15. jula 2008. preko Pisarnice Parlamentarne skupštine BiH, pod brojem 01-50-1-15-32/08.

- Upućujem pitanje Kolegiju Doma naroda i sekretaru Zajedničke službe Parlamentarne skupštine BiH:

Da li su navodi gosp. Mariofila Ljubića o svjesnom sakrivanju odluke Predstavničkog doma od delegata u Domu naroda tačni, i ako jesu, ko je za to odgovoran?"

Delegat Alma Čolo postavila je sljedeće pitanje Vijeću ministara BiH:

"Šta je Vijeće ministara BiH, odnosno nadležno Ministarstvo finansija i trezora BiH uradilo ili namjerava uraditi s ciljem zaštite zaposlenih u institucijama BiH i njihovog dovođenja u ravnopravan položaj?"

Ovo pitanje postavljam zbog različitog tretmana koje imaju žene zaposlene u institucijama Bosne i Hercegovine po pitanju visine naknade za vrijeme porodiljskog odsustva, a što ima za posljedicu diskriminaciju u uživanju određenih prava, što je protivno Evropskoj konvenciji o ljudskim pravima i osnovnim slobodama i Protokolu br. 12 uz Evropsku konvenciju.

Uživanje prava u skladu s Protokolom br. 12 treba osigurati bez diskriminacije po bilo kojem osnovu. Ako žene zaposlene u institucijama BiH imaju pravo na plaću pod jednakim uslovima, pravo na ostale naknade (topli obrok, dnevnice za službeni put i sl.) također, pod jednakim uslovima, i pravo na naknadu za vrijeme porodiljskog odsustva i njena visina treba da budu uređeni pod istim uslovima."

Ad. 2. Usvajanje Zapisnika 22. sjednice Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zapisnik 22. sjednice Doma naroda.

Ad.3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osiguranju depozita u bankama BiH po hitnom postupku, u skladu s članom 122. Poslovnika

U raspravi o ovoj tački dnevnog reda učestvovali su: Dušanka Majkić, Branko Zrno, Slobodan Šaraba, Božo Rajić, Hazim Rančić, Adem Ibrahimpašić i predstavnik predlagača Fuad Kasumović.

Dom naroda je, s 13 glasova „za“ i jednim „suzdržanim“, usvojio da se Prijedlog zakona o izmjenama i dopunama Zakona o osiguranju depozita u bankama BiH razmatra po hitnom postupku, nakon čega je Zakon o izmjenama i dopunama Zakona o osiguranju depozita u bankama BiH je, s 13 glasova „za“ i jednim „suzdržanim“ glasom, usvojen sa sljedećim zaključkom:

„Dom naroda Parlamentarne skupštine BiH zadužuje nadležne institucije, prije svega Vijeće ministara BiH, da se angažiraju na povećanju sredstava Fonda za osiguranje depozita i traži od Vijeća ministara BiH da predloži u najkraćem roku nove izmjene i dopune Zakona kojim bi se osigurani iznos približio osiguranim depozitima u zemljama u okruženju“.

Ad.4. Zahtjev Vijeća ministara BiH za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 122. Poslovnika

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio da se Prijedlog zakona o dopunama Zakona o porezu na dodatu vrijednost razmatra po hitnom postupku, nakon čega je Zakon o dopunama Zakona o porezu na dodatu vrijednost jednoglasno usvojen.

Ad.5. Prijedlog kodeksa ponašanja za poslanike i delegate u Parlamentarnoj skupštini BiH (drugo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku

U raspravi o ovoj tački dnevnog reda učestvovali su: Dušanka Majkić, Božo Rajić, Alma Čolo, Adem Ibrahimpašić, Hilmo Neimarlija, Branko Zrno, Rudo Vidović, Zoran Koprivica, Hazim Rančić i Ivo Miro Jović.

Dom naroda usvojio je sa osam amandmana Kodeks ponašanja za poslanike i delegate u Parlamentarnoj skupštini BiH u identičnom tekstu kao i Predstavnički dom.

Ad. 6. Prijedlog zakona o izmjenama i dopunama Zakona o sportu u Bosni i Hercegovini (drugo čitanje), predlagač: Ustavnopravna komisija

Rasprava o ovoj tački dnevnog reda nije vođena.

Zbog nedostatka entitetske većine, u Kolegiju kao komisiji obaviti će se usaglašavanje.

Ad.7. Prijedlog zakona o izmjeni Zakona o klasifikaciji djelatnosti u Bosni i Hercegovini (drugo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjeni Zakona o klasifikaciji djelatnosti u BiH u predloženom tekstu.

Ad.8. Prijedlog zakona o izmjenama i dopunama Zakona o Obavještajno-sigurnosnoj agenciji BiH (prvo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH

U raspravi o ovoj tački dnevnog reda učestvovali su: Dušanka Majkić, Hazim Rančić i Božo Rajić.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o Obavještajno-sigurnosnoj agenciji BiH.

Ad. 9. Prijedlog zakona o izmjenama i dopunama Zakona o zaštiti tajnih podataka (prvo čitanje), predlagač: Zajednička sigurnosno-obavještajna komisija za nadzor nad radom Obavještajno-sigurnosne agencije BiH

U raspravi o ovoj tački dnevnog reda učestvovali su: Dušanka Majkić, Hazim Rančić i Božo Rajić.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o zaštiti tajnih podataka.

Ad.10.Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika (prvo čitanje), predlagač: Vijeće ministara BiH

U raspravi o ovoj tački dnevnog reda učestvovali su: Alma Čolo, Dušanka Majkić, predstavnik predlagača Bariša Čolak, Branko Zrno, Ivo Miro Jović, Zoran Koprivica i Rudo Vidović.

Dom naroda odgodio je izjašnjavanje o Prijedlogu zakona o maloljetnim počiniocima krivičnih djela i krivičnopravnoj zaštiti djece i maloljetnika nakon održavanja javne rasprave i usvojio sljedeći zaključak:

Kolegij Doma naroda Parlamentarne skupštine BiH, u dogovoru s predsjedavajućima klubova naroda, donio je zaključak kojim se izjašnjavanje o Prijedlogu zakona o maloljetnim počiniocima krivičnih djela i krivičnopravnoj zaštiti djece i maloljetnika odgađa do završetka javne rasprave.

Ad.11.Prijedlog zakona o zaštiti i dobrobiti životinja (prvo čitanje), predlagač: Vijeće ministara BiH

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio u prvom čitanju Prijedlog zakona o zaštiti i dobrobiti životinja.

Ad.12.Izvještaj o izvršenju Budžeta institucija BiH i međunarodnih obaveza BiH za period januar-decembar 2007. godine

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio Izvještaj o izvršenju Budžeta institucija BiH i međunarodnih obaveza BiH za period januar-decembar 2007. godine sa sljedećim zaključcima:

1. Nalaže se Ministarstvu finansija i trezora BiH da preduzme neophodne mjere s ciljem unapređenja procesa planiranja, kontrole i izvršenja Budžeta i da o tim mjerama obavijesti Komisiju za finansije i budžet.
2. Skreće se pažnja Ministarstvu finansija i trezora BiH da je dužno poštovati odredbe člana 22. stav 2. Zakona o finansiranju institucija BiH („Službeni glasnik BiH“, br. 61/04) i

- redovno Parlamentarnoj skupštini BiH dostavljati šestomjesečne izvještaje o izvršenju budžeta institucija BiH i međunarodnih obaveza BiH.
3. Dom naroda traži od Vijeća ministara BiH da poštuje zakonske rokove kad se radi o izradi prijedloga zakona o budžetu institucija BiH za narednu godinu.
 4. Dom naroda traži od Vijeća ministara BiH da Prijedlog zakona o budžetu institucija BiH za 2009. godinu u što kraćem roku dostavi Predsjedništvu BiH kako bi što prije bio dostavljen u parlamentarnu proceduru.“

Ad. 13. Informacija o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila, u 2006. i 2007. godini i u prvih šest mjeseci 2008. godine

U raspravi o ovoj tački dnevnog reda učestvovali su: Slobodan Šaraba, Ivo Miro Jović i Alma Čolo.

Dom naroda je, s 12 glasova „za“ i jednim „suzdržanim“ glasom, primio k znanju Informaciju o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine.

Ad. 14. Izvještaj Zajedničke komisije za usaglašavanje prijedloga za imenovanje ombudsmena u Institutiju ombudsmena za ljudska prava Bosne i Hercegovine

U raspravi o ovoj tački dnevnog reda učestvovali su: Hilmo Neimarlija, Dušanka Majkić, Božo Rajić, Rudo Vidović, Slobodan Šaraba, Hazim Rančić, Mladen Ivanić, Alma Čolo i Ilija Filipović.

Dom naroda je, sa 10 glasova „za“, tri glasa „protiv“ i jednim „suzdržanim“, usvojio Izvještaj Zajedničke komisije za usaglašavanje prijedloga za imenovanje ombudsmena u Institutiju ombudsmena za ljudska prava BiH, te za ombudsmene u Institutiju ombudsmena za ljudska prava BiH imenovao:

- **Jasminku Džumhur** iz bošnjačkog naroda i
- **Ivu Bradvicu** iz hrvatskog naroda.

Dom naroda **nije** usvojio zaključak koji je predložila Ad hoc komisija.

Ad.15. Izvještaj Zajedničke komisije za usaglašavanje prijedloga za imenovanje zamjenika generalnog revizora

U raspravi o ovoj tački dnevnog reda učestvovali su: Drago Ljubičić, Dušanka Majkić, Alma Čolo, Ilija Filipović i Slobodan Šaraba.

Dom naroda je, sa devet glasova „za“, dva glasa „protiv“ i dva „suzdržana“ glasa, usvojio Izvještaj Zajedničke komisije za usaglašavanje prijedloga za imenovanje zamjenika generalnog revizora te **Dževada Nekića** iz bošnjačkog naroda imenovao za zamjenika generalnog revizora.

Ad. 16. Izvještaj o radu Državne komisije za reviziju odluka o naturalizaciji stranih državljana u BiH za period od 1. 1. do 30. 6. 2008.

U raspravi o ovoj tački dnevnog reda učestvovali su: Slobodan Šaraba, Ivo Miro Jović, Drago Ljubičić, Branko Zrno i Zoran Koprivica.

Dom naroda jednoglasno je usvojio Izvještaj o radu Državne komisije za reviziju odluka o naturalizaciji stranih državljana u BiH za period od 1. 1. 2008. do 30. 6. 2008. sa sljedećim zaključcima:

1. Prihvata se Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 1.1.2008. do 31.6.2008.
2. Zadužuje se Vijeće ministara BiH da ispoštuje zaključke Parlamentarne skupštine BiH donesene na odvojenim sjednicama Predstavničkog doma i Doma naroda, održanim 13. februara 2008. i 25. februara 2008.
3. Izvještaj kao informaciju treba dostaviti svim resornim ministarstvima koja su vodila prvostepeni postupak i donosila odluke o dodjeljivanju državljanstva Bosne i Hercegovine, kao i nadležnim pravosudnim organima radi nadležnog postupanja..
4. Obavezuje se Državna komisija za reviziju odluka o naturalizaciji stranih državljana u BiH, Ministarstvo sigurnosti BiH – Služba za poslove sa strancima i Granična policija BiH, te Ministarstvo civilnih poslova BiH – Direkcija CIPS projekta da, u roku od tri mjeseca, od Komisije preuzmu bazu podataka o oduzetim državljanstvima BiH stečenim naturalizacijom i inkorporiraju je u CIPS i ISM (informacioni sistem za strance) tako što će je učiniti operativnom i dostupnom organima za provođenje zakona u BiH.
5. Obavezuje se Državna komisija da, u što kraćem roku, u „Službenom glasniku BiH“ objavi imena svih lica kojima je oduzeto bh.državljanstvo stečeno naturalizacijom i da to ubuduće čini najmanje jednom mjesečno tokom svog rada.
6. Zahtijeva se od Državne komisije efikasniji rad na reviziji bh.državljanstava stečenih naturalizacijom u skladu sa zakonima BiH.
7. Traži se od SIPE-e i Tužilaštva BiH da, u što kraćem roku, podnesu izvještaj o preduzetim mjerama protiv lica koja se dovode u vezu s nezakonitim davanjem bh.državljanstva na osnovu naturalizacije u periodu od 18. aprila 1992. do 1. januara 2006., za sve nivoe vlasti u BiH.

Ad. 17. Privremeni izvještaj o radu Interresorne radne grupe na izradi Prijedloga zakona o imunitetu

Rasprava o ovoj tački dnevnog reda nije vođena.

Dom naroda jednoglasno je usvojio Privremeni izvještaj o radu Interresorne radne grupe na izradi Prijedloga zakona o imunitetu

Ad. 18. Godišnji izvještaj o napretku (praćenje provođenja Akcionog plana 1. Strategije reforme javne uprave u Bosni i Hercegovini - materijali Vijeća ministara BiH)

Rasprava o ovoj tački dnevnog reda nije vođena.

Dom naroda jednoglasno je primio k znanju Godišnji izvještaj o napretku (praćenje provođenja Akcionog plana 1. Strategije reforme javne uprave u Bosni i Hercegovini) sa sljedećim zaključcima:

1. Potrebno je inicirati održavanje sjednice Koordinacionog odbora za ekonomski razvoj i evropske integracije s ciljem rješavanja utvrđenih problema, osiguranja daljnjeg koordiniranog pristupa i nastavka političke podrške provođenja reformskih mjera (u skladu sa Zajedničkom platformom o principima i metodi primjene Akcionog plana 1. Strategije reforme javne uprave u BiH).
2. Od institucija i organa uprave na nivoima obuhvaćenim Strategijom reforme javne uprave zahtijeva se veći stepen saradnje i odgovornosti u provođenju reformskih mjera, razmjeni i

dostavljanju informacija s ciljem efikasnijeg koordiniranja i praćenja pokrenutih i ostvarenih aktivnosti.

3. Neophodno je ojačati poziciju i ulogu koordinatora za reformu javne uprave, posebno Vlade Federacije BiH i Vlade Republike Srpske, te unaprijediti koordinaciju ostalih struktura za primjenu mjera i aktivnosti iz Akcionog plana 1, koju čine imenovani predstavnici Vijeća ministara BiH, Vlade Federacije BiH, Vlade Republike Srpske i Vlade Brčko Distrikta BiH.
4. Potrebno je nastaviti razvijati mehanizme za koordiniranje i konsultacije organa uprave svih nivoa zbog usaglašenog djelovanja prema donatorima i efikasnijeg korištenja donatorske pomoći.

Ad. 19. Deklaracija o dobroj upravi, predlagač: Predstavnički dom

U raspravi o ovoj tački dnevnog reda učestvovali su: Ilija Filipović, Hazim Rančić, Dušanka Majkić i Ivo Miro Jović.

Dom naroda **nije** usvojio Deklaraciju o dobroj upravi uz konstataciju da se navedena Deklaracija vrati predlagaču na doradu.

Ad. 20. Prijedlog zaključaka povodom Informacije o krivičnim djelima protiv života i tijela, s naglaskom na nasilje u porodici za 2006. i 2007. godinu te tendencijama u prva tri mjeseca 2008. godine

Rasprava o ovoj tački dnevnog reda nije vođena.

Dom naroda jednoglasno je usvojio zaključke povodom Informacije o krivičnim djelima protiv života i tijela, s naglaskom na nasilje u porodici za 2006. i 2007. godinu te tendencijama u prva tri mjeseca 2008. godine a koji glase:

1. Dom naroda Parlamentarne skupštine BiH konstatirao je da je nasilje u porodici u značajnom porastu i predstavlja veliki društveni problem;
2. Dom naroda Parlamentarne skupštine BiH poziva nadležne institucije na primjenu mjera predviđenih Rezolucijom o borbi protiv nasilja nad ženama u porodici Parlamentarne skupštine BiH („Službeni glasnik BiH, br.15/08), naročito uključujući obavezu usvajanja odgovarajućih zakonodavnih i budžetskih mjera, te osiguravanja efikasne primjene već usvojenih zakona i mjera, a posebno osiguravanja bržeg pristupa sudovima, kao i efektivnog izricanja zaštitnih mjera, uspostavljanja objekata za podršku žrtvama nasilja u porodici i njihovom finansiranju, te obuke osoblja u zdravstvu, policiji, pravosuđu, socijalnim i obrazovnim ustanovama;
3. Konstatira se da su ustanove za socijalnu zaštitu u Bosni i Hercegovini materijalno i kadrovski neadekvatno opremljene te da ne mogu uspješno odgovoriti svom zadatku kad je u pitanju postupanje u slučajevima nasilja u porodici, pa je neophodno utvrditi i provoditi mjere za njihovo jačanje;
4. Dom naroda Parlamentarne skupštine BiH traži od Vijeća ministara BiH da do kraja 2008. godine podnese Parlamentarnoj skupštini BiH na usvajanje Prijedlog strategije za prevenciju i borbu protiv nasilja u porodici, nasilja na osnovu spola, seksualnog uznemiravanja i uznemiravanja u Bosni i Hercegovini, te da o njenom provođenju najmanje jednom godišnje izvještava Parlamentarnu skupštinu BiH;
5. Kako su prijedlozi mjera i radnji iz Informacije Ministarstva sigurnosti BiH o krivičnim djelima protiv života i tijela, s naglaskom na nasilje u porodici za period 2006. i 2007. godine, te tendencijama u prva tri mjeseca 2008. godine dosta uopćene i preširoke, Dom naroda Parlamentarne skupštine BiH traži od Vijeća ministara BiH da nadležno ministarstvo konkretizira navedene prijedloge mjera i radnji, te da preduzme neophodne mjere za njihovo provođenje.

Ad.21. Izbor članova Upravnog odbora Agencije za razvoj visokog obrazovanja i osiguravanje kvalitete (rang-lista Vijeća ministara BiH)

U raspravi o ovoj tački dnevnog reda učestvovali su: Mladen Ivanić, Ivo Miro Jović, Slobodan Šaraba, Branko Zrno, Hilmo Neimarlija, Rudo Vidović i Ilija Filipović.

Dom naroda je, s 10 glasova „za“, jednim glasom „protiv“ i jednim „suzdržanim“ glasom, usvojio Rang-listu kandidata za članove Upravnog odbora Agencije za razvoj visokog obrazovanja i osiguranje kvaliteta koju je utvrdilo Vijeće ministara BiH.

Ad. 22. Zahtjev ustavnopravnih komisija oba doma Parlamentarne skupštine BiH za davanje ovlaštenja za utvrđivanje prečišćenog teksta Zakona o Sudu BiH i Zakona o Tužilaštvu BiH

Rasprava o ovoj tački dnevnog reda nije vođena.

Dom naroda jednoglasno je ovlastio ustavnopravne komisije oba doma Parlamentarne skupštine BiH za utvrđivanje prečišćenog teksta Zakona o Sudu BiH i Zakona o Tužilaštvu BiH.

Ad. 23. Inicijativa za izradu novog zakona o javnim nabavkama BiH, predlagač: delegat Dušanka Majkić

U raspravi o ovoj tački dnevnog reda učestvovali su: Dušanka Majkić, Slobodan Šaraba, Adem Ibrahimpašić i Branko Zrno.

Dom naroda usvojio je Inicijativu za izradu odgovarajućeg zakona o javnim nabavkama BiH čiji je predlagač delegat Dušanka Majkić sa sljedećim zaključkom:

1. Dom naroda nalaže Vijeću ministara BiH da u roku od 60 dana izradi i u parlamentarnu proceduru uputi odgovarajući Prijedlog zakona o javnim nabavkama BiH.
2. Dom naroda traži da se u odgovarajući zakonski prijedlog ugrade odredbe koje Agenciji za javne nabavke daju veća ovlaštenja i odgovornost u pogledu obuke ugovornih organa i dobavljača, kao i monitoring u procesu javnih nabavki.

Ad. 24. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i BANK AUSTRIA CREDITANSTALT AG - Projekat izgradnje vodovoda Fojnica-Kiseljak i kanalizacionog kolektora Lepenica-Kiseljak

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i BANK AUSTRIA CREDITANSTALT AG - Projekat izgradnje vodovoda Fojnica-Kiseljak i kanalizacionog kolektora Lepenica-Kiseljak.

Ad. 25. Davanje saglasnosti za ratifikaciju Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija.

Ad. 26. Davanje saglasnosti za ratifikaciju Ugovora o finansiranju između Bosne i Hercegovine i Federacije BiH i Evropske investicione banke – Projekat vodovoda i kanalizacije u Federaciji BiH

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Ugovora o finansiranju između Bosne i Hercegovine i Federacije BiH i Evropske investicione banke – Projekat vodovoda i kanalizacije u Federaciji BiH.

Ad. 27. Davanje saglasnosti za ratifikaciju Evropskog sporazuma o dostavljanju molbi za pravnu pomoć

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Evropskog sporazuma o dostavljanju molbi za pravnu pomoć.

Ad. 28. Imenovanje Ad hoc komisije za izradu izmjena i dopuna kao i prečišćenog teksta Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je imenovao Dušanku Majkić, Iliju Filipovića i Hazima Rančića u Ad hoc komisiju za izradu izmjena i dopuna kao i prečišćenog Poslovnika Doma naroda.

Sjednica je završena u 16,10 sati.

Sastavni dio ovog zapisnika je neautorizirani transkript 23. sjednice Doma naroda.

SEKRETAR
DOMA NARODA
Marin Vukoja, s.r.

PREDSJEDAVAJUĆI
DOMA NARODA
dr. Mladen Ivanić, s.r.